

## PRIJEDLOG

Na osnovu člana 46. Zakona o prostornom uređenju („Službene novine Kantona Sarajevo“, br. 7/05), i člana 37. Statuta Općine Novi Grad Sarajevo („Službene novine Kantona Sarajevo“ br.30/09 - Prečišćeni tekst) Općinski načelnik, dana \_\_\_\_\_ 2016. godine, verificovao je i donio

### **ODLUKU O KOREKCIJI IZMJENA I DOPUNA REGULACIONOG PLANA „ALIPAŠIN MOST VII“ – Zona C**

#### Član 1.

Utvrđuje se Korekcija Izmjena i dopuna Regulacionog plana „Alipašin Most VII“ “ – Zona C (skraćeni postupak), (“Službene novine Kantona Sarajevo” broj 27/16), u daljem tekstu: Korekcija Plana.

#### Član 2.

Korekcijom Plana utvrđeni su planski preduvjeti za usaglašavanje grafičkog i tekstualnog dijela Plana na lokalitetu građevinskih parcela C32 i C33, shodno članu 4. Odluke o provođenju Plana, a što nije prikazano u grafičkom dijelu Plana, prema sljedećim urbanističko-tehničkim uslovima, odnosno na način:

- površina parcele C32,33 iznosi 6.052 m<sup>2</sup>,
- omogućava se izgradnja objekta ukupne tlocrtne površine 3.190 m<sup>2</sup>,
- spratnost građevine max Po+P+2.
- bruto građevinska površina nadzemnih etaža objekta iznosi 7.900 m<sup>2</sup>,
- namjena: obrazovanje-kultura.
- U podzemnoj etaži planiraju se prateći servisni sadržaji, i parking prostori.
- Na parceli se pored izgrađenog dijela, nalazi i uređeni otvoreni prostor- trg, opremljen sa urbanim mobilijarom.

#### Član 3.

Korekcija Plana sastoji se iz tekstualnog dijela i grafičkog priloga. Tekstualni dio i grafički prilog korekcije Plana su sastavni dio Izmjena i dopuna Regulacionog plana „Alipašin Most VII“ “ – Zona C (skraćeni postupak), (“Službene novine Kantona Sarajevo” broj 27/16).

#### Član 4.

Korekcija Plana je rađena za fazu urbanizma. Izrada iste nije zahtjevala promjene u ostalim fazama Plana, tako da je korekcija Plana usaglašena sa Idejnim rješenjima, koja su sastavni dio Izmjena i dopuna Regulacionog plana „Alipašin Most VII“ “ – Zona C (skraćeni postupak).

#### Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi za urbanizam, imovinsko-pravnih, geodetskih poslova i katastar nekretnina Općine Novi Grad Sarajevo, Zavoda za planiranje razvoja Kantona Sarajevo, Ministarstva prostornog uređenja i zaštite okoliša Kantona Sarajevo i Gradske uprave Grada Sarajeva –Službe za urbano planiranje i stambene poslove.

#### Član 6.

Ova Odluka stupa na snagu narednog dana od dana objavljivanja na oglasnoj ploči Općine Novi Grad, a naknadno će se objaviti u „Službenim novinama Kantona Sarajevo“.

Broj: \_\_\_\_\_

Datum: \_\_\_\_\_

**Općinski načelnik**

**mr. Semir Efendić**